


詩

退溪先生集三



退溪先生文集卷之五 續內集

詩

金彥遇示余近作佳什清新可喜病惱中
不容盡和就取其意所到者次韻答寄

春日江村老杜韻二首 戊辰

老去知人審春來感物深拘攣塵世態浩蕩鷗
鷗心散疾時間步憐芳獨遠尋詞壇杜陵客見
子亦難今

平時山澤性蕭灑送殘生不獻陶牛畫寧知賀
鑑榮人翻疑久病自覺困虛名白日江山麗難

明
魏闕情

金鶴峯韻登寥乏山作金鶴峯山名
生長依山今白首登山感慨久忘歸烟雲遐邈
隔塵世繚白縈青無盡時

望清涼山韻

不向仙山作隱真望山清絕愧蹤塵近聞留壘
侵雲壑勒逐風除會有人史唐太宗紀有雷掃
風除之語

阿灰花韻彥遇疑阿灰為蠟梅誤以為
非也

無房無瓣匪花裁
著炎偷春傍磳隈
向使蠟梅同此輩
黃陳安肯首頻回

雉尾帚韻

爲愛翬翹綵且長
束成珍帚送山堂
能令我室清塵翳
日日凝神坐帶香

和士敬韻

默默藏逃度景陰
未扳朋盍恨無任
況聞儒館初恢闢
空和來游迭唱吟

奉酬金慎仲詠梅三絕句一近體

但知姑射出塵姿
莫把芳辰較早遲
萬紫千紅

渾失色小園驚動兩三枝

淖約天葩玉雪姿何妨春晚景遲遲
細看冷艷彌貞厲不必清霜凍樹枝

栖遯難兄苦憶梅溪居難弟獨徘徊
寄詩撩我吟梅興更與懷人一併催
來詩一二絕皆道此間梅晚發三絕
言其伯氏梅時不在家之恨

韻格清癯甚冰霜慘刻餘和曾三疊
僭栽尚百株疎偶入小羗笛偏宜高士
廬令人益生厭薇藥欲紛如
朱先生嘗和東坡松風亭梅花詩有
梅花自入三疊曲之語蓋坡詩三篇而先生三

和之合爲六篇篇篇皆有仙風道韻每一調誦
令人飄飄然有凌雲之氣不勝其欣慕愛樂之
情亦嘗兩和於東湖梅一和於陶山梅僭妄何
可言也范石湖於石湖雪坡種梅數百本又於
范村種梅尤多張約齋於玉照堂植梅三四百
株蓋絕致清賞不厭其多也余之植梅於溪莊
山舍僅十餘本將漸廣以至百本也故云

次韻金慎仲落梅

別去梅初落重來我復遲
剪冰憐委地飄玉恨
空枝妙韻森餘想孤風宛在詩
子成如未實和

鼎詎深期

次韻寄李宏仲

戊辰秋在漢城

想子尋陶舍乘秋坐小堂非揚辨玄白如孔歎
蒼黃整別顏增變長思歲欲荒擬酬來問語舊
學更微茫揚子雲解朝時人譏其玄尚白子雲
自謂不如嘿然復守吾太玄孔德璋北山移文
有蒼黃反覆之語

呈張仲紀

應旋

白髮相隨指王京同慚驚恠嶺頭氓何時共轡
還踰嶺却被人看作羨榮

獲鄭子中書知遊清涼見憶奉呈二絕
今歲鷗盟歎已寒坐看紅葉滿長安因書遠慕
宣城宰蠟屐青鞋訪碧山

脚躡飛雲腋有風仙山如在太清中可憐一念
猶人世能記紅塵白髮翁

用大成早春見梅韻

周詩詠梅非真識不爲梅花分皂白屈原離騷
侈衆芳還昧冰霜天下色何遜楊州始知己別
去重來屢歎息或吟江南寄情思或詫嶺上分
南北剛腸尚吐嫵媚詞廣平節義逾堅石唐宋

紛紛幾騷客賞到孤山不落莫何況雲臺老真
逸腸斷江城詠霜角我生多癖酷愛梅人道癯
仙著山澤舊遊南國識玉面故人遠惠連根得
自期相伴老巖壑胡奈風塵去飄泊豈無京洛
或相逢素衣化緇嗟非昔寧辭白髮赴佳招瞥
眼榮華過虻雀丙歲自比遼東鶴歸來及見花
未落丁年病起始尋芳絕喜瓊枝攢雪萼何意
今年老更甚先生正患汾陽額尺一嚴程久稽
滯仰兢俯慄如龜縮梅君不須遽疎我我事尚
可親高格未諧法真避名聲猶信尚平知損益

道韻休將一日離馨懷預恐終年隔淡烟微雨
客絕門清夜無屋月上岳呼尊試一病已蘇作
詩縱百情何極汾翁好事誇我說早梅先得天
工力豈知陶梅知我病畏寒爲我佳期晚發猶
不惜君不見范石湖種梅譜梅爲天職又不見
張約齋玉照風流匪索寞嗟我與君追二子苦
節清修更勵刻

次韻金惇叙梅花

我友五節君交情不厭淡梅君特好我邀社不
待三使我思不禁晨夕幾來探帶烟寒漠漠傍

湖清澹澹粲然百花間
益見真與濫自臨吸月
杯肯上賞春檐
吟詩託密契夜光非投暗
精神炯相照俗物難窺瞰

次韻琴壖之并序

滉不幸之中又復不幸

誤恩荐沓莫測端倪
窮窘惶戰罔知所爲
惠詩慰問甚荷存厚
無聊中謹和一絕見意云

錯道山雲能澤物
山雲終不願升空
升空豈是能成澤
來往徒勞指笑中

贈金泰和

感君高義蕩秋旻急手援拯井裏人更護遠來
分付我脩然歸去不矜仁

裴汝友趙士敬琴聞遠朴彥秀龔諸君
同枉顧溪齋因往遊孤山明日寄呈二

絕句

聞說山潭辨釣船夢中乘弄覺猶仙勝遊此日
身如繫空把殘杯款款傳
敗閑吾迹太無端負我非山我負山臥想諸君
追賞處玉峯搖影鏡潭寒

淹留州館時主牧朴希正以王事入

京書懷留贈

二嶺參天割域區中原雄勝異偏隅浮雲往事
空無迹泛梗連年到豈圖舊病新秋如赴約清
風溽暑奈辭呼滯留日日思公意題在藤牋不
愧蕉

趙士敬以集慶殿祠官來謝東歸

贈別三首

一落塵中萬事多君恩如海病如何送君白
雲歸節憑報吾行趁菊花

一鳥辭林一鳥隨西來東去總縻縻何如共止
立隅日自在和鳴自在飛

故國山河萬古情雲荒陵墓月荒城勸君好上
瞻臺望星象于今屬太平

得見存齋中興洞佳句秋思難禁吟和
見意奉呈一笑

白髮犯塵秋欲老青山回首月頻周誰能解出
籠中鳥目送孤帆上玉流

山稜病骨宵千痛輪轉愁腸日萬周蟄物豈宜
象大凍淵魚自合畏衝流

寄蘇齋

乞退公先去思歸我獨留君親懷耿耿天地思
悠悠學貴虛心得名蓋掩耳偷相逢拖樓底儻
在菊花秋杜詩還與拖樓底晚飯越中行

次韻謝存齋餉菊

天高霜氣緊病客若爲留好古時將晚懷人道
轉悠奉奉愧無補迢迢恐成偷此意騷翁解將
詩餉菊秋

挽權同知應昌

才傑當年第一流端如東序薦天球玉堂金馬

裴英早霖雨丹青屬望優偶感杯蛇巡隰日
驚鷄夢臥漳秋鵠原契分如膠漆慟到三喪白
盡頭三國陳琳詩余嬰沈痼疾三年卧漳濱

書院成名以易東一絕見意

遶遶田門嘆易東吾東程易昉吾公更攀朱邵
名華院要見天心皦日中

夢遊清涼山二首

泉石烟霞事未寒暮年身誤入槐安那知更藉
遊仙枕去上清涼福地山

身御冷然禦寇風千巖行盡一宵中老僧贈我

田家笠勸早歸來作野翁

次韻奇明彥贈金而精二首

勤學

出世昨太誤歸山今已晚行身蹈悔吝撫事知
益損憶初約吾心前後無相反胡爲竟失墜自
納涇渭混處心或流徇時論尚捐狠不有友善
導迷塗詎能逐奇子青雲器於道觀堂相金君
後來秀志學務其本水激則鼓勢馬驟能致遠
我觀奇子詩爲金闢關捷嚴辭與琢磨刻意據
誠懇我亦識金久曾尋我溪道意欲借聾聽已

我心靡忖茅齋掩冰雪寒榻對婉婉一朝去遭
艱人事車折阪野廬風樹悲烏啼夜夜咷韻書
兒啼不止也我哀厥志篤言學有未壘貽書每
苦口努力相推輓歲月今幾何來看木樹晚要
須更自奮鱗甲變蜿蜒諸經及諸史功緒極縉
纁寸陰莫虛擲鞭方休蹇我言質而慤奇辭
諤以塞相待各孳孳稼寶收耕蓺

守靜

守身貴無撓養心從末發苟非靜爲本動若車
無軌我性愛山隱塵紛久消歇一朝來嘗世已

覺神外滑何況都城中欲海競顛越君爲布衣
生樹蘭寧自伐君門扉好掩君井泥莫泪四壁
有圖書焚香坐起忽潛昭判善利一帥麾千卒
豈有中行士銜寶甘自剛乘除得與失不啻霄
壤揭二子勉專精老我誠亦竭

金而精送盆竹二首

一盆擔送碧湘秋蕭瑟中舍夜雨愁客裏不堪
聲攪耳安排莫太近床頭

憶從三逕厲風霜翠竹青松菊有黃頓荷此君
來入眼宛然當日見裘羊

謝金而精送梅竹一盆

淇隱與湖隱相隨慰我來從今旅窓裏清絕共徘徊

奉別郭景靜城主

六載終難借一年民情如孺慕懸懸方知曾令傳
三異却笑劉公受一錢臘雪惹愁吟陟岵春風吹
恨去朝天鰲潭賴有留佳澤百歲邦人誦誦絃

挽南僉知

致昂

武藝身登仕文資行若儒專城民袴有清座客
氈無好善爲家法平心得壽途哀榮看寶樹人

比慶門子

寄題金雲甫德龍駱谷靜齋

禦動常由靜超塵不厭高歸來臥松石軒冕一
秋毫

病中偶記前日無字韻和句錄呈存齋
末學紛蹊徑高人眩有無舊聞狂作聖今見智
歸愚邈邈朱山嶽滔滔陸海湖中原及東國回
首謾嗟吁

記夢

我夢尋幽入洞天千巖萬壑凌雲烟中有玉

青如藍汧河一棹神飄然仰看山腰道人居行
穿紫翠如登虛迎人開戶一室清臞仙出揖曳
霞裾髣髴何年吾所遊壁上舊題畱不畱屋邊
剝木飛寒泉團團桂樹枝相樛同來二子顧且
歎結樓求擬遺塵絆忽然欠伸形遽遽鷄呼月
在南窓半

次韻朴監司見寄二首

千年國運應河清雲起諸賢慶典行自愧迷
蹤招世擯行聞嚴譴出臺評綸音誤作窮閭
貢痼疾仍纏北闕情報謝棠陰勤至意千旌

豈是枉茅荆

聖主誤恩驚此際微臣沈疾慨長年空慙勸駕
皇華使夜到山門夜裏旋

題柳彥遇河隈畫屏并序

豐山柳彥遇在定州日作一屏令畫河隈
上下洛江一帶圖河隈公田園所在以寓
其遠宦思歸之意于時 詔使成翰林憲
王給事璽將至東萊鄭林塘吉元以迎慰
使中原朴思庵和叔以遠接使永嘉金駱
谷雲甫以觀察使全城李大仲寧城辛君

望俱以從事往候于龍灣見是屏比肩爲之
玩賞題詠實一時之盛難遇之幸也是年
冬彥遇去任來京師席未暖而出牧清州
臨行示余以是屏求續題良勤余固惜彥
遇之去無計以留之且余薄業亦在河隈
上流一出未歸歲且向晏展畫指點益興
慨嘆因追叙別意并所感吟成近體二章
錄寄清州仍題屏上以付清州之仲胤檢
閱郎君云嘗見東坡金山寺詩我家江水
初發源宦游直送江入海云云其末云有

一本彼下
有頗字

田不歸如江水今吾二人事與彼相
類故最後并及之

定民方詠去思吟又佩湖州印去今臺閣剝員
無寄足壑溝多瘠更關心風流洛舍時看畫曠
蕩天門幾撫襟我亦出山乖遠志一屏相對意
難禁

洛上河隈擅勝名公會於此占鷗盟幾年遊宦
憑歸夢他日丹青感列英滿意烟波常在目一
毫榮辱可忘情因君起我江源興欲趁春風返

耕

月夜示子中景瑞子強子精而精

不覺春回近上元客窓心緒久怵怵那知昔日
山中友共款今宵月下門叵耐世途難九折其
如學海渺真源故應偷暇相從處不及林間得
細論

己巳正月聞溪堂小梅消息書懷二首

聞說溪堂少梅樹臘前蓓蕾滿枝間畱芳可待

溪翁去莫被春寒早損顏

手種寒梅護一堂今年應發滿園香主人京洛
遙相憶無限清愁暗結腸

挽盧君伊齋先君

身是湘纍父，湘纍遇聖辰。
起恩承惺座，歸養許藩臣。
玉節方辭陞，霜風遽撼椿。
痛將儒誤，恨追賁落塵。

憶陶山梅二首 同前時在漢城

湖上山堂幾樹梅，逢春延佇主人來。
去年已負黃花節，那忍佳期又負回。

丙歲如逢海上仙，丁年迎我似登天。
何心久被

送李而盛赴清風郡任

好去清風守龜潭舊主人行藏雖有異隱見豈
無因臥治凝香寢欣耕林野民丁寧猿鶴友莫
枉訝周倫

寄趙士敬

月川趙君捧毛檄嘗世方圓不相入歸來風月
滿前川獨坐欣然尋舊業

趙君一作主人

梅下贈李宏仲

喚取山家酒一壺適然相值更吾徒梅邊細酌
梅相勸不用麻姑急掃除

挽郭咸陽

汗血臨千里南圖擬萬程宣城鸞去暮天嶺鵬
來驚徹地慈親淚浴天識友情笑言如昨日誰
道隔幽明

漢城寓舍盆梅贈答

頓荷梅仙伴我涼客窓蕭灑夢魂香東歸恨未
攜君去京洛塵中好艷藏吾鄉禮安在嶺南景
北陸路由鳥嶺而行則曰南行水路由竹嶺而
歸則曰東行皆指禮安而言也

盆梅答

記陶仙我輩涼待公歸去發天香願公相好

相思處玉雪清真共善藏

靜存李仲久病中間余行強起追別於
廣津且以三絕見贐次韻奉呈

兒女常嫌別淚潺湲坎流時往亦時還情深此日
駒城子兩老方知作別難

撥病來追歸去舟春風灑淚碧江流如何不念
平生契欲破真休作假休

宦情無望蜀人事有懲剋感深優許退寧怕強
畱行若用靜存之說滉乞退之路不得通矣故
云

過龜潭戲贈李而盛

依舊龜潭遠隱城山人今與我同行杖藜欲共
尋遊迹其柰山前雨忽冥

而盛談瀑布勝致

玉澗源頭掛玉流披荒君始發天幽乞身歸路
還多礙不向雲間作勝遊

答韓仲盈

君比鮎魚上竹竿我如病鶴出雲間思山鬱鬱
撫琴枕却羨琴堂猶放閒

季春至陶山山梅贈答

梅贈主

寵榮聲利豈君宜
白首趨塵隔歲思
此日幸蒙天許退
況來當我發春時

主答

非緣和鼎得君宜
酷愛清芬自詠思
今我已能來赴約
不應嫌我負明時

次韻奇明彥追和盆梅詩見寄

任他饕虐雪兼風
窓裏清孤不接鋒
歸臥故山思不散
仙真可惜在塵中

乞退還田里金仁伯正言追寄詩二首

次韻奉答

落落平生志寥寥古聖經有求身屹屹無得鬢
星星道恐歸虛說人悲遠典刑爲吟來警句心
似酒初醒

能如砥柱志何流改處雲收悔莫畱若使此間
消息得分襟千里可無愁

余友洪上舍應吉求道甚切不幸遭親
喪過毀滅性痛哉應吉曾示余以遊金
剛山錄余爲之叙題今不復能記其語
東歸船上偶逢一僧乃所與遊遊山詩

能言當日探歷事甚悉余感涕久之聊
以一詩見情云

楓嶽久聞天下勝洪君可惜後來賢盍曾會喜
憑遊錄隔世今嗟遇伴禪只爲相從同學道非
緣長往欲求仙冷烟風雨灑江上回首平生思
惘然

次韻奇明彥二首

明時何故變仍生天戒丁寧益慎庚轉迓嘉祥
由聖學獻芹深切畝忠情真西山有畝忠堂
記言畝畝不忘君之意

萬事由來在我生
靜看消息月辛庚
誰能磬效
吾君側只有同人識此情

奉和奇明彥頻夢韻

明庭鷓鴣日追陪
夢裏歡顏得我開
漆室有憂
公識取知音不用待山梅

奉謝奇明彥惠尾扇

一陣清風鳳尾生
故人持送御三庚
農軒獨坐
開襟處似聽高談豁遠情

歸山後次韻李仲久見寄

好爵雖同鶴和羣
殘骸難得強勞勞
歸根落葉

儘常理拂幕飛花寧自高委質幾絳思病蹟畢
恩還為聖明遭自慙不是茅山隱卧聽松聲
殷翠濤吾鄉李孝節公賢輔先生退歸日舟中
絕句有云秋風落葉合歸根拂幕飛花使范縝
對竟陵王子良之語幕卽簾幕之幕如今遮日
也范縝本語落花拂於簾幌幌帷帳也非遮日
也若從本語則當作拂幌而拂幌音韻似不諧
換幌作幕無乃未安未安則作幌亦可此句之
意混誤至崇品亦偶然耳非本意也

暮春歸寓陶山精舍記所見

早梅方盛晚初開，鵲杏紛紛趁我來。
莫道芳菲無十日，長留應得別春回。
時山西山北皆未花，而山舍杜鵑爛熳杏花隨亦相次而發，今十餘日而春事未闌云。

盧寡悔贈金而精一絕，其題有「財猶賸」也。
近則污人之語，警人深矣。次韻贈之。
可惜臨財欲易生，幾人傾覆險途行。
因君共佩盧涿戒，莫使持心近不誠。

奇明彥錄示和梅詩八絕，久未酬報。今見仲約聊以一絕道意云。

八絕吟梅見素懷我藏雲壑子銀臺相思此日
逢江夏恰似同銜款款杯

陶山月夜詠梅六首

獨倚山窻夜色寒梅梢月上正團團不須更喚
微風至自有清香滿院間

山夜寥寥萬境空白梅涼月伴仙翁箇中唯有
前灘響揚似爲商抑似宮

步屨中庭月趁人梅邊行遶幾回巡夜深坐久
渾忘起香滿衣巾影滿身

晚發梅兄更識真故應知我怯寒辰可憐此夜

宜蘇病能作終宵對月人

往歲行歸喜裏香去年病起又尋芳如今恐把
西湖勝博取東華軟土忙

老艮歸來感晦翁託梅三復嘆羞同一杯勸汝
今何得千載相思淚點曾

次韻星牧金伯純見訪

五馬期從九月秋丁丁伐木遠尋求臨河九曲
因詩見一棹何當上小舟

夏日幽居琴夾之攜示金彥遇寄詩就

次二絕却寄

相望猶恨隔山雲興味尋常無與分況是暮風
解愠日滿庭幽翠草繽紛

綠楊深處轉鶯黃欲雨微風漏日光對酌琴君
詠君句薔薇初動玉梅香

贈金彥遇

後凋主人堅素節除書到門心不悅坐待梅
花冰雪香目擊道存吟不輟

和金彥遇二首

留春相待感花仙雪色檀香兩妙天寄謝後凋
休好事有絃無乃勝無絃嘗謂陶公無絃琴事

東坡先生全集卷五
三十九
雖有高致似未免崇虛打乖之病今來詩引此
以喻梅之心事不必待花而知恐亦有此病故
反其說以復之

奪性移天斷接餘猶供佳玩待人蘇何如拓地
栽成百香滿乾坤不淡枯

寄謝彥遇

麴生踈我去無回賓祭愁聞甕有埃不是與君
多素分豈能催送入山來

贈彥遇

家鷄君有庾公才野鷺非王底索來自覺簾後

難倚玉會當空面却須回

新書三四件公不自

題標紅索於老拙有同晉人家鷄野鷺之說戲

呈一絕云

近觀柳子厚劉夢得以學書相贈答諸
詩戲笑中猶有相勸勉之意令白頭翁
不禁操觚弄墨之興各取其末一絕次

韻奉呈彥遇

筆追王法謾虛名習氣還同不樂京歸寫道經
非我事臨池忘老作真行王羲之雅好服食養
性不樂在京故云

白首攻書恨未成客來攜卷摠循名唯君筆力
堪追古莫惜加工振美聲

次韻謝金彥遇惠石假山種菊

方信同人好尚孖菊山擎送慰今吾一杯笑領
慇懃意翠靄清芬淡有無

挹清主人金慎仲盆養梅花至月晦日

溪莊大雪中寄求梅一枝詩二絕清致
可尚次韻奉酬因記得去春都下得盆
梅甚佳未幾東歸思之未已於後併及
之

盆中未臘梅花發澗上窮陰雪片橫折寄相思
清入骨挹清真箇不虛名

痛憶京師二月中盆梅歸袖挹仙風那知此日
高齋裏幻出黃鍾律未窮

彥遇惇叙同訪慎仲盆梅韻二首

至後微陽生九地盆梅驚動已先春誰能畫出
兩騷客踏雪攜壺訪主人

窻外雪風吹動地窻間梅蘂玉生春故應天護
清香別隔斷寒威餉與人

彥遇雪中賞梅更約月明韻

雪映瓊枝不怕寒更邀桂魄十分看箇中安得
長留月梅不飄零雪未殘

慎仲贈彥遇惇叙韻

寸土能開子月梅連娟跨臘未須催豈如病叟
居寒谷直到春深始見開

又雪月中賞梅韻

盆梅發清賞溪雪耀寒濱更著冰輪影都輸臘
味春迢遙閬苑境倬約藐姑真莫遣吟詩苦詩
多亦一塵

詠雪韻

自掩袁生戶誰尋戴隱區
啾啾傍簷雀矍矍失
林烏愛喚鷓鴣杓頻添
滑拙鑪何須塞驢上吟
入灞橋圖

慎仲惇叙雪中尋梅韻

大雪漫漫朔吹飄尋梅
情境自迢遙令人却憶
韓公句妙在行天馬
度橋

雪後晚望韻

七七仙翁幻手催琪花
頃刻遍林開玄冥亦解
畱佳玩不使微風一片
摧寂寞王子猷回船刻
溪路迢遙戴安道雪夕
誰與度此坡翁雪詩話

此詩當在
上雪中尋
梅詩下

也迢遙二字詠雪甚好不覺兩用之耳

貞夫人金氏挽詞

延安金譜舊簪纓今復移天得顯榮半世已多
徵吉夢中途何遽作哀惻恩霜夜隨年雙九
慶到兒官月缺盈弱草驚塵誰不痛歸依還幸
是同塋

次權章仲梅花下吟二首

將身得返舊山雲萬事筌蹄不用分只喜山翁
鬢雪千紅萬紫照續紛

雨來瓶子挈鶯黃天向梅邊洗月光夢覺起來

拚數酌微吟真覺滿懷香

奉次前示堂字韻絕句二首

兩翁相對坐溪堂
澆飯清談替舉觴
日暮送君門獨掩
小庭幽砌自彷徨

秋深景色好
亭堂樂事何煩攔
酒觴莫恠老人
稀伴侶相攜隨處可彷徨

鄭檢詳子中寄詩二首已而來告別之

京次韻奉贈

奔命辭山憶去年
幾回東望戀悠然
陶潛已問歸時路
許汜何求隱處田
痼疾烟霞依舊在

此詩當在上
病中聞余行
詩下

忱情
魏闢尚餘懸與君
況復逢還別
回首春
風思更綿

忽覺眉間喜氣浮
為君延佇對芳洲
千紅萬紫
如相識
野蔌山殽亦可羞
友義思敦惟善責
君恩圖報只身修
請看天放山巖老
有許愁中
無一愁

東湖舟上奇明彥
先有一絕朴和叔繼
之席上諸公咸各贈言
愧臨行不能盡
酬謹用前二絕韻奉謝
僉辱相送之厚

意云

列坐方舟盡勝流歸心終日爲牽留願將漢
添行硯寫出臨分無限愁

許退寧同賜玦環羣賢相送指鄉關自慙四
聖垂恩眷空作區區七往還

次答金龍宮舜舉

白髮趨朝意緒茫患深鳬鶴短兼長虛名縱被
曾成誤苦節猶思晚補亡天地有恩寬老疾叢
廊多事辨驪黃兩詩來慶雖堪荷只愧褒言太
欠商

夢裏春歸已杳茫思君長夏奈愁長居窮正似

韓延座遇病還如孔瞰亡魚樂本無分物我未
生那更願青黃君看競利人間者不取要錢子
母商

次韻忠清監司俞泓之二首

乞退辭天上言歸指嶺南杯傳可興館舟泝達
川潭世事歆高論仙區聳歷探詩來言過重吟
對碧山慙

故國藏蹤目中原別恨春那知棠案筆能記鹿
羣身好鳥迎詩吟幽花照墨新酬書更回首何
得重親

奉呈安孝思

去歲相逢酒一巡今年相望首搔頻我疑遁世
騎牛公是長生授棗人靜室陶山看古易高
亭蘆浦樂餘春和詩十首公休索累牘聯篇亦
一塵

辨存齋辨物理之極處無不到詩二首
人巧能雕物雕寧巧得人謂知能格物取譬言恐
非倫
雕而能詣極詣者豈非人謂物雕能詣言何大
不倫

贈別禹景善正字之關西

昔日蒙君訪野夫，長安重見豈曾圖。
非無對衆開顏面，不似臨溪講典謨。
正學只應功在熟，浮名一任事歸迂。
丈夫別恨非兒女，慎勿因循作小儒。
昨聞指點之語，令人寒栗在身。此拙句，勿浪示人，好行好行。

次韻答禹景善二首

故人在日下，寄我一封書。
我恨稽全退，君嫌近美除。
末期論舊學，空憶共精廬。
宦海多翻覆，寧忘賦遂初。
乞辭未得退，而非全退故云。

情一本係

山趣無他只晏如回頭時復獨愁予明年好待
花君子不向雲霞恨索居蓮沼水冷不宜蓮別
作小塘明年擬種養西麓近無人棲息

次韻禹景善菊問答六首

問菊

常嫌物情有遷移美者無幾惡轉滋豈謂滿庭
霜下傑半成蓬艾亦離支

今年夏潦坤成痺黃菊淪貞欲入時尚有小叢
依舊色含芳無乃恥同期

東園霜露日幽尋尚憶從前趣興深不有數叢

金間綠一尊何處玩餘陰

菊答

坤黃天賦我何移
憔悴猶承雨露滋
滿地風霜三徑裏
陶翁相待好襟支
紛紛受變知何事
漠漠懷貞向此時
爲報靈均休歎息
殘芳猶足與君期

衆芳蕪沒已難尋
變到金英恠亦深
不信黃裳元自吉
枉將妖氣眩晴陰

仙遊洞八詠

庚午

松亭待月

松爲作者七人哉月夜成三待影來坐覺千巖
成玉界一尊今夜共徘徊

六巖修禱

千古山陰勝事傳與君終日賞風烟視今視昔
都休問風詠從來樂自然

詭串尋僧

踏破林間古逕苔禪房花木爲誰栽箇中自趁
幽閒趣不是尋僧問法來

黃楊賞春

春入桃源日載陽巖花澗草發天香洞仙此日

遺蹤杳呼我爲仙亦不妨

沙坪牧牛

叱石爲羊近恠神騎牛遁世亦驚人何如牧豎
烟蕪裏一笛斜陽弄晚春

仙洞訪鶴

洞裏仙禽省見稀丹砂爲頂雪爲衣幾時月白
風清夜載得雲間子晉歸

花山採藥

仙山靈雨長瓊苗採服人言自蛻超欲問仙翁
求寶訣不嫌身老見功遙

收灘釣魚

懶向湖西踏軟紅
清溪垂釣白雲中
傍人莫說非熊卜
怕遣沙鷗不近翁

贈李居士

仙洞居士攜一筇
月嶽龜潭訪陶翁
自云走遍諸名山
明朝笑入清涼中
歸來別我不作留
飄若一片空雲浮
聊和八詠贈子去
好逐洞仙遊處遊

無題

青山白雲成仙翁
寄聲欲問雲千重
唯有仙山

李居士時與往來青山中

陶山暮春偶吟

浩蕩春風麗景華
葱瓏佳木滿山阿
一川綠水明心鏡
萬樹紅桃絢眼霞
造化豈容私物羣
情自是競哇哇
山禽不識幽人意
款曲嚶鳴至日斜

次奇明彥二首

去歲分襟憶昨流
君行今復此遲留
故應去國同懷抱
渭水終南如許愁
明彥辭官去宿于東
湖南岸箕城亭舍

湖嶺相尋只夢魂
覺來明月滿山門
願將心事隨明月
寫向君庭不作煩

庚午季秋尋伊洞
泉石招宏仲同遊
宏仲已先往矣

野菊時聞撲馬香
幽尋泉石傍斜陽
欲招君去同遊賞
人道君先入杳茫
王母城前小有天
丹楓碧澗映寒烟
何當鑿出瑤池水
滿種蓮花更可憐

追寄李伯春按使三首
伯春以方伯來訪
陶山將有呈辭還京之意

原隰驅馳事萬端又煩旋節入雲山猶多百病
纏身處得見清標玉映寒
一尊相對破愁端別去從今隔萬山他日不堪
登望處天淵臺上眼空寒

百筭全無可一端既歸還入有如山唯將白首
虞人義日望恩休病眼寒

龜巖精舍

洛水呈書啓聖神箕疇千載炳彝倫誰知揭號
巖栖客不學成都賣卜人

居敬齋

一寸膠無千丈渾玉淵秋月湛寒源端居日夕
如臨履箇是存存道義門

明義齋

義路如砥坦且明一昏心燭故難行欲知大寐
如醒處唯在研精積久生

大觀臺

謏聞偏見世爭譏渭水涇流各自多試上高臺
觀遠大聖門論道更如何

不欺堂

曾思心法日星懸人鬼關門更截然獨臥獨行

母敢慢尋常何地不爲天

解夢龜巖來書嘗夢得書示以心心心
心時時時時云云因以一絕解之

千里巖棲豈易尋夢中書札亦論心此心操攝
無餘法念念時時著一欽

又次龜巖夢見四心字時字一絕却寄
吾心明似鏡光寒自恐磨治力易闌賴有故人
同此意夢中相勉亦忱肝

次韻金道盛三絕

聞昔潯陽歸臥客結廬人境每關門平生歎仰

高風處不要逃喧自絕喧

君身正似鱗將變我學還如戩未嘗歲晏送君
歸勉業寒齋塊處意偏長
澗上霜扉深且迴山童蜩縮晚慵開關門絕俗
吾何敢怕有衝寒問字來

奉次金子昂

時

和余天淵臺韻

每上江臺獨喟然如今君亦詠天淵沂公妙處
淳公發千載誰能續舊編子思爲飛魚躍之旨
明道以爲與必有事焉而勿正之意同知此然
後知天淵之妙

次子昂精舍曉起聞雞有感韻

雞鳴喔喔警人聞
舜蹠孳孳事劇雲
悟歎獨吟山月下
知君善利不迷分

示金彥遇

萬化機緘妙且淵
春深無處覓中邊
當時不有思和點
此理誰知在眼前

落帽峯次吳謙仲韻

翠微高處共登來
佳節欣逢景物催
千岫挿天如玉立
一溪對席似環迴
黃花露浥鮮金映
赤葉霜寒爛錦堆
好遣西風吹白髮
整冠詩老亦

堪吟

寄題權章仲栖城山二首

少年遊迹記城山形勝山川縹緲間
白首喜聞栖息事欲攜書去更盤桓

蘭若山高水迫臨白雲青竹好遊尋
誰知五十年前事感懷題詩思不禁

金慎仲挹清亭十二詠

望山

何處無雲山清涼更清絕亭中日延望
清氣透人骨

聽江

前溪寂寥過遠江還有聲世人箏笛耳誰參靜裏聽

待月

昨夜庭中月今宵出海遲停杯待三友孤韻謫仙詞

迎風

徐來赤壁秋起自青巖末亭上羲皇人披襟何快活

讀書

書傳千古心讀書知不易卷中對聖賢所言皆
吾事

會友

孔門論會友以文仍輔仁非如市道交利盡成
路人

宴坐

我坐禪亦坐禪虛我不同揮戈讓隱几奇功收
此中

晚步

倦來起徐行扶杖散腰膝草堂只看山雲谷無

答客

養鶴

長身古君子在庭多歲月何須騎上天正好參
讀易

釣魚

多事動客星無心遇獵熊竹絲風裊裊簾簾雨
濛濛

蒔花

開落百花事乾坤造化心栽培遍庭院佳玩久
逾深

種蔬

聖門學誠癡貧居種何妨
月涉陶園趣寧須食
鯉魴

巖栖讀啓蒙示諸君二首

白首重尋易學書幾多疎謬
共修除方知麗澤
深滋益觀到先天一太虛
七十居山更愛山天心易象靜中看
一川風月
須閑管萬事塵埃莫浪干

易東書院示諸君三首

儒館經營洛水邊幸同今日會羣賢
初來易道

乾坤闢漸賁文猷日月懸好待後人能契發恭
聞此學在精專莫將外慕相撓奪無價明珠得
自淵

麗季程朱教始東只今諸說滿區中當年首發
公徵史繼世真傳孰任躬主敬龍門千聖法明
倫鹿洞一原功吾儕講習非他緒切戒尋常事
捉風

一粟吾生海外身可憐賢聖未同辰若非雲谷
千言鑑何異蘧廬一宿人入眼山光青似染滿
翠色翠如勻與君共此閒中樂珍重相看日

日新

齋中夜起看月

精一齋中玩月明
拓窗孤坐湛凝情
梧桐漸轉空階影
蟋蟀無停暗壁聲
四序迭侵人易感
一宵全寂院逾清
神襟了了燭幽鑑
更覺先賢爲後生
右示金彥遇李大用趙士敬金愼仲琴間
遠金惇叙琴壘之尹起伯朴居中兼示姪宰孫
兒安道純道時共讀心經故於未及之

次前韻追寄彥遇上舍

一昨羣居好講明
幾多開發滯常情
義同自直

蓬麻植樂似相宣金石聲愧我久昏神鑒炯憑
君新澡玉淵清只嫌趁日匆匆過畢竟工夫著
處生

次李伯春韻二首

自愧窮山一病身朱轡初荷枉前春那知去作
花山別更此重臨玉節新萬事古來真轉燭百
年今始可安神溪山邈邈如相失幾日同成畫
裏人來詩偶坐真成畫裏人

野翁疎散不謀身自喜頻逢有脚春共對山光
又淡寧知世態故還新愁催白髮吾如約

適清詩子若神聞道丈夫能自樹
勸公須作讀書人

次韻集勝亭十絕

郡城曉角

角聲催曉落牀頭
縹緲山城隱畫樓
吏起鷄鳴渾不管
游仙枕上夢初收

山寺暮鍾

薄暮禪居隱翠峯
鍾聲來自有無中
倩工欲畫烟鍾景
其奈聲聲入太空

遠林白烟

漠漠修林傍遠村
風生虛籟杳無聞
太平莫道無形象
看取朝烟一帶痕

長橋落照

古渡長橋入眼看
歸雲平遠暮鴟還
主人登眺饒詩興
思在明霞落照間

堂洞春花

一春花事發玄坤
錦繡千堆映洞門
亭上百杯餘興在
欲隨春去問花源

鶴峯秋月

鶴駕峯頭掛月輝
亭闌渾作水晶微
夜深手把

無絃弄不恨如今聽者稀

蘆浦牧笛

一笛斜陽咽未休
平蕪橫過斷原頭
須知牧豎生平樂
不在商歌寓飯牛

箭灘漁火

月下青熒微復揚
雨中猶見閃茫洋
朝來小市從溪店
喜見金橫玉偃光

北山行雨

頃刻橫斜走白烟
滿空銀竹北山前
捲簾快靚驅煩暑
一枕清風穩睡眠

南郊飛雪

窮陰垂地雪飛天銀海漫漫漲野川
獨自倚闌看更好不知寒栗遍高肩

贈具景瑞

栢潭主人病去銓歸趁菊花霜露天
借問何如作行止笑指白雲心悠然

庚午寒食將往展先祖墓於安東後凋
主人金彥遇擬於其還邀入賞梅余固
已諾之臨發適被 呂命之下旣不敢
赴惶恐輟行遂至愆期爲之悵然有懷

得四絕句若與後凋梅相贈答者寄呈

彥通發一笑也

後凋堂下一株梅
春晚冰霜獨擅開
豈謂天書下
前日能令佳約坐成顛

梅不欺余余負梅
幽懷多少阻相開
風流不有陶山社
心事年來也盡顛

後凋梅答

聞君逃祿自前春
釣月耕雲儘可人
更惹塵機求負我
不知誰復與相親

驛情非淺後凋春
苦節君休訝主人
與我已成

心契密不應桃李更交親 昨聞彥遇以堂制頗
奇恐不稱梅韻爲病故末絕云

余贈彥遇詩謂雖負尋梅於彼亦有陶
山梅足以自慰已而彥遇來訪溪上歷
陶社云梅被寒損特甚著花未可必余
聞之將信將疑用彥遇韻以自遣且以
示彥遇二首

結杜陶梅八九條佇看眞白發春孤
翻思託地高寒甚莫是天香太損無

雪虐風饕戰許條摧傷烈氣更貞孤
君厨俊及

雖凋謝樹屋烟爐詎盡無

陶山梅爲冬寒所傷歎贈金彥遇兼示

慎仲惇叙每句用梅字效陶淵明止酒

王介甫勸學詩體也

與君賞梅曾有諾及到梅香我負約心期獨在
山中梅溪夢夜夜探梅萼昨日梅社共君來梅
興索漠令人哀八梅風烟但空枝一梅數萼猶
未開杖藜吟梅遶百匝冥頑胡爲我梅厄不比
君家梅得暖梅社風多寒更虐我欲賤天籟梅
冤我欲作辭招梅魂梅冤悄結天所憐梅魂歸

來我所溫向來桃李妬梅白奢華競笑梅孤潔
但使吾梅本根在一闕英華梅豈缺何況一梅
之發可動人梅乎肯與千紅百紫爭一春我願
朝朝走訪一梅君西京之末只有吳門梅子真
溪齋夜起對月詠梅

羣玉山頭第一仙冰肌雪色夢娟娟起來月下
相逢處宛帶仙風一粲然

次韻彥過見寄

造化全孤秀乾坤賦妙功綴冰非爍日團雪不
驚風幸值佳期至那知勝賞空明年開滿樹來

看月明中

都下盆梅好事金而精付安道孫兒船

載寄來喜題一絕云

脫却紅塵一萬重來從物外伴癯翁不緣好事
君思我那見年年冰雪容

次韻奉酬安孝思見寄

寄詩存問又今巡魚目慙酬玉案頻絕境久疑
眞洞府長生卽是老仙人病來歸臥幽貞社夢
裏尋游集勝春珍重相期閑日月會看東海自
揚塵

映蓮堂

全秀才續求和其家亭題律甚懇愧
久未果今以一絕答其意

開說君家占地靈碧溪青嶂繞園亭自嗟老病
無由見將和題詩却且停

玉成堂

崑珍雖是稟精英不琢而磨器不成更把鄒書
苦心訓乾乾終日服西銘

明誠齋

明誠旨訣學兼庸白鹿因輸兩進功萬理一原

非頓悟真心實體在專攻

采蓮精舍

賞愛蓮花無極翁襟懷光霽月乘風一般意思
那無寓通直分明在眼中

次韻南義仲陶山雜興

曠絕天開洞高明地拖陽幽居觀物化同寓襲
蘭香菊色團楓色山光映水光圖書滿四壁心
事一何長

寄宰姪

五十年來再到人如今遊跡又成陳只應鳴玉

臺前水天樂鏘鏘萬古新

范蘭溪云百慮煩擾至靜者自若崔見
叔府伯以爲疑某謂非無此理但自若
二字可疑耳以二絕論其旨

止水如心靜爲體動時波汹靜難尋縱饒不靜
非無靜浪息依然水靜深

體隨用失如無靜性不終亡本固存只說靜爲
元自若蘭溪無乃太深言

而得寓精舍四絕見投今和其三

常恨山居事未全白頭歸臥尚牽纏勸君視我

為深戒纔近榮途莫太前
孔聖猶箴擇里人曾云文會輔成仁老來更覺
踈為學慚愧空還又待春

地中雷起見天心三字符言當誨箴有鏡不磨
空自歎直愁終未免塵侵

退溪先生文集卷之五

山陰縣志卷之五

五十五



詩退三